



DEO OPTIMO MAX.  
UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.



QUÆSTIO MEDICA,

QUOD LIBET ARIIS DISPUTATIONIBUS  
manè discutienda, in Scholis Medicorum, die Jovis decimo tertio  
Februarii, anni M. DCC. XXXVIII.

M. ANTONIO-CLAUDIO RENARD,  
Doctore Medico, Præside.

*An pluribus Hispanorum morbis Remedium efficax Balneum?*

I.



ISPANIA Regio Europæ Occidentalis vastissima, quam  
Jaga & Pyrrhenæa utrumque mare circumscribunt. In cite-  
torem & ulteriorem olim divisa. Nobilisque fuit Romanis  
bellorum campus, nec frequens posthâc Barbaris triumphus.  
Ilem ille hodiè terrarum tractus, quem sua jamnum divi-  
dunt Regna & Provinciæ, unius Regis Potentissimi partum  
simul & hæreditarium Dominium est. Hujus imperio subiecti Populi pa-  
rùm aut nihil ab antiquis moribus recesserunt. Hi quoque gloriæ impi-  
mis appetentes, constanti fide & obsequio, erecto in adversis animo, pro-

A

positi tenaces, ne tempore quidem & tædio franguntur. Callidis aptisque ad magna consilia ingeniis; corpore non ita robusto nec adeo firmâ valetudine. Iisdem quibus & cæteræ Nationes communibus morbis obnoxii, suis præterea laborant, quorum causas propriosque characteres ex Regionis situ, Populorum indole, victûs discrimine, moribus, consuetudine repetas. Morborum communis in acutos & chronicos divisio est. Inter acutos obviæ febres rarò in Hispaniâ benignæ, sicuti continuæ, ut plurimum ardentes, perniciosæ, quas vernaculè *Tabardillos* nuncupant. Quanquam hoc nomine Perechiales solas, Purpuratas, & quaslibet de hæc profapia rectè indigitaveris, promiscuè verò putridas simplices, nec insolitas perperam. Voce enim illâ, ut Plebs ferè semper, sic etiam Medici sæpè abutuntur, & utrasque febres confundunt. Intermittentes quoque notaveris pravissimi moris, tum maximè cùm in Syncopales abeunt, rarum febris alibi genus, Castellanis & Matritensibus non inusuetum. Illa rigore in principio, in declinatione profusis sudoribus, Tertianæ morem utcumque imitatur: in hoc tamen multò dissimilis, quod *καταδυσμὸν*, enormi vomitu, summâ virium prostratione, contractione pulsûs, extremorum refrigeratione, ni promptè succurratur, secundâ aut tertiâ accessione tollit. Variolis nec tanta illic deprehenditur malitia, ut citò, nec cum tanto naturæ molimine erumpunt, sic facili, & ut plurimum securè evanescunt. Pleuritides, Anginæ, Tussis, Peripneumoniæ Septentrionalibus Populis familiares, & libitinæ quæstus acerbæ, Hispanis infrequentes, nec tot funeribus infames, Diarrhææ, Cholera morbus, Dysenterix ut ab iisdem producantur causis, sic sub iisdem ætatis autumnive grassari solent temporibus, nec à nostris distant, nisi quod difficilius cedunt, & in viscerum ulcerationes sæpius transeunt. Non modò morborum acutorum in aliquibus, sed & chronicorum dispar ratio est. Chronici vel transmittuntur à Parentibus in liberos, multò sæpius propter vitiatos luxuriâ mores, victumque inordinatum inducitur: interdum etiam ab acutis decidui, sic ab iis tanquam à radicibus progerminant. Inter priores venit Epilepsia infantibus utique inimica, ut & Podagra senibus. Scorbutus rara admodum mare non transcurrentibus noxa. Omnium frequentissima Venerea <sup>a</sup> lucis, Hispanis non tam turpe creditum aut formidabile malum, quo qui inficitur, non rarò inducias habet, non pustularum citâ eruptione, ulceribus depascentibus, tantæque aliorum Symptomatum fœditate coactus, sed attenuatâ magis & per *Διαίτην* forte exhalante singulis diebus aliquâ contagii portione, quodammodo confisist, solitis vitæ muniis vix distrahitur, causarius aut summum querulus, vagis laceffitus doloribus, hanc comitem sibi luem cum pallore & maciè ad senectutem usque aliquando perducit. De posteriorum ordine annotatione dignus peculiaris characteris affectus, dolor colicus quem de *b Tripas* vocant. Is rarò solitarius se profert, vel febres antecedit intermittentes, vel subsequitur, nonnunquam conjunctas habet. Sensus est ventriculi tenuiumque intestinorum asperimus & molestissimus, non multùm à dolore colico Pictorum abludens, sub quo adstrictior parùm rejicit alvus. Multa inflatio incidit per totum abdomen, magis quâ ab um-

<sup>a</sup> Las Bubas, o mal Gallico quanquam immeritò, rectius mal Americano, quo primi onenium Hispani Europam conturbarunt.

<sup>b</sup> Dolor de Tripas vel Entripado.

3

bilico superius tendit; inest modò eructatio, modò vomitus: diuturnus admodum & qui cruciantis doloris recidivas facit morbus, remediis non facile miscens, in spasmos abit & paralyfes, nec magis parcit exteris, quàm indigenis. Ab eo aliquo recedit intervallo Melancholia, vulgò Hypochondriaca aut flatulenta dicta, communis utrique Iberis affectio, plena inveniustatis, vel hoc uno dignoscenda symptomate, ventris scilicet obmurmuratione, rugitu, crebrâque per os flatuum emissione. Duri glandularum collo adnascantium tumores, Bronchocele, strumas intellige, quæ omnes magno negotio tolluntur, Pueri cum frequentius accidunt, tum adultis, aut jam senibus rariùs. Omnium rarissima ægrotudo calculus est. Icterus, Hydrops, Paraplegia, Chlorosis, Asthma, & id genus morbi Medicorum cruces, solitâ facie multis quoque passim in locis proferuntur: sed præ cæteris Tabes, quæ ut chronicorum ultima incumbit, sic ipsa ultimus plerumque vitæ terminus est.

# I I.

**MORBORUM** species, occurrentes in his pro diversis locis differentias, attendere non satis est. In causarum etiam ex quibus fiunt indagazione morari oportet. Nec enim rectè curabit, quem malorum origo fefellerit. Causas tamen cave ne scruteris abstrusiores nimisve reconditas, sed patentes solas & sensibus subjectas. In hoc te Medicum secernas à Philosopho merè inani & speculativo. Nec te rapiat malè cautum novorum systematum libido vesana, quæ si fortè discurrentibus aliquid attulere subtilitatis, at certè medentibus multò plùs reliquerunt obscuritatis. Inter hæc à quibus evidenter afficitur homo, & utraque valetudo dependet, quàm præcipuus aër, quanta & alimentorum potestas est. Aëris plùs minùsve Hesperis plagis præservida obrigit & sicca constitutio, terra arida, pluribus in locis inculta, montibus aspera, egens aquarum. Alimenta proinde magis exsucca, uberiori, eoque fixiori imprægnata sale, corpora nimia transpiratione marcida, humore destituta sunt. Ad ea tanquam generaliora primùm attenderis, ultrò in examen veniat proprius incolarum vivendi modus, ipsorum & alimentorum delectus, in quibus ut cætera Nationes, sic Hispani multa quoque delinquant. His tribui solet aliqua laus sobrietatis: Germanorum aut Gallorum more, non illos mensarum apparatus, non larga convivia, non pocula delectant; sed suo non minùs aberrant modò, quos juvat Chocolatæ & Saccharatorum usus immoderatus, quorum palato Allium, Caules, Cæpe, fructuum crudorum, quin etiam aliorum nocentium, genus omne tantum sapiunt, cibique sine pipere & croco prorsùs insuaves; qui vina sua dulcia, nec tenuia si quando sobriè gustant, frigido potu quotidie se proluunt, & id genus alia pro consuetudine faciunt, quæ parùm naturæ suæ & regioni accommodata, multa secum ferunt incommoda. Ab hoc fonte morborum enumerationem causas rectè deduxeris. Multiplici sanguinis & feri per habitum effluentis vitio à nimia aëris siccitate, vel æstu, vel quâlibet aliâ subitâ mutatione, nec minùs à perflantibus ventis, tribuas quidquid de genere acutorum est; non secus ac leviores eas ægrotudines hyberno præsertim tempore adorientes, quas *conspirationes* & *resfriados* Vulgus appellat; Chronicorum verò majori ex parte parentes agnoscas malas chyli elaborationes, congestos in ventriculo

« Berengenas, Tomates, solanorum species.

4

succos pravos, à quibus lenta eidem sanguini aspergitur labes, multaquæ visceribus damna succrescunt. Promptus ardere, inflammari, quin etiam putrescere Hispanorum cruor est, lædi facilis ventriculus. Non igitur mirum, si quæ passim invadunt febres, magis infidæ, minus desflagationis internæ, putredinisque expertes videantur. Non aliâ ratione tam insolitas, tamque exitiosas syncopales, non purpuratas aliter infensas judicaveris, quàm quia insignis plerumque illis putredo, aut inflammatio conjuncta est, quæ in febribus ultimus malignitatis gradus, *κρίσις* nomine ipsi Hippocrati non ignotus. Effervere, inflammari, putrescere sanguinem fortè rides & explodis? Quasi verò fermentari, solvi, coagulari, præcipitari, nova id genus verba novè aliquid menti objiciant, aut plus afferant in Medicinæ claritatis. An ideo deferenda, si priùs benè intellecta Veterum de febribus doctrina, quæ in distinguendâ earum causâ, notando singularum characterem tam præcipua est, medentique non vagas, sed aliquanto magis stabiles indicationes aperit. Melancholia, flatus, Hypochondriaca passio, doloris colici pertinaces insultus, febrium intermittentium recursus, Cachexia, Tabes, tota illa chronicorum familia, num ab alio generantur principio quàm à multiplici illo mutuò errore notato? Culpanda, si benè calculum posueris, tot inde nascentia secretionum utilium impedimenta, & inducenda limphæ alibili, totique moli sanguinariæ multiformis dyscrasia. Culpanda vicissim in artificiosâ solidorum compage deficientia multâ ex parte instrumenta. Procul hinc nimis ibi, non à Plebeio tantùm credita a fascinatio, quâ per corpusculorum effluvia, maximè visûs interventu, contacta infantium aut adultorum corpora tabescere, consumi traditio est. Vetulas maleficæ hujus artis peritas, quæ domos adeunt aut per vias accurrunt, inveniri fabula est. Qui per se vel insoliti apparent, vel nimis rebelles affectus, summo langore infantes pariter & adultos consuecunt, à causis naturalibus dependent, Medicum, rerum Physicarum & Anatomicarum gnarum, non latentibus. Universam morborum intelligentiam tenere potest, & eorum quæ corpori accidunt, rationem invenire, cui benè intellecta est solidarum partium structura, non ignorâ fluidarum potentia. Hæc præsertim cognitione instructus, sciverit morborum internoscere discrimina, & eorum quæ corpori accidunt, rationem invenire, cui benè intellecta est solidarum partium structura, non ignorâ fluidarum potentia. Hæc præsertim cognitione instructus, sciverit morborum internoscere discrimina, & eorum quæ corpori accidunt, rationem invenire, cui benè intellecta est solidarum partium structura, non ignorâ fluidarum potentia. Hæc præsertim cognitione instructus, sciverit morborum internoscere discrimina, & eorum quæ corpori accidunt, rationem invenire, cui benè intellecta est solidarum partium structura, non ignorâ fluidarum potentia.

# I I I

**M**ORBIS adhibere remedia, sanare, tota in hoc versatur medendi scientia, quæ cæterarum disciplinarum vices experta, apud varias Europæ nationes quibusdam temporibus magis, aliis minùs excolta est. Suos Hispania, non à longinquo temporum intervallo, Professores habuit clarissimos, inter quos Vallesius, Mercatus, García, Heredia, Bravus, &c. qui in Hippocratis aliorumve Antistitum volvendis operibus, illustrandis aut amplificandis maximam operam posuerunt. Paululùm abhinc seu bellorum asperitate, seu metu novandi, aut quovis alio fato, bonarum litterarum studia deferbuerunt, & aliquis Medicinæ honos decessit. Hinc tantâ diligentia quæsitâ alibi recens inventa, segniùs eò pervenerunt, stetitque plures annos sine incremento, unius Veterum dogmatis quasi man-

3  
cipata salutatis professio. Remediorum indicationes ut à morborum genio  
causisque depromuntur, sic magna illa curationum instrumenta; venæ  
sectio & purgatio ferè in omni morbo locum inveniunt. Exulet *aiurescia*  
nullà non in regione damnata illusio, humano generi exitiosa. Hispanis  
Lusitanisque sanguinem cucurbitis, Hirudinibus, sed maximè incisa venà  
liberali manu mittere, vetus est: nec sine ratione, cui præsertim remedio  
potis est nimios sanguinis æstus temperare, exundantis impetus coercere,  
turbatos & devios humores ad secretionem componere, putredinem arce-  
re, omni succurrere inflammationi. Quibus effectis si suo tempore ac mo-  
do debito instituta purgatio, si rectè præscripta vivendi ratio accesserint;  
februm continentium vehementiorumque affectuum curationis pars ma-  
xima absolvitur. In acutis purgare morbo incipiente, ultrà Pyrrhenæos mod-  
os consuetum, sed *minorativis*, ut loqui amant, purgantibus, quibus primæ  
eluantur sedes. Mochlicis aut valentioribus uti remediis rarissimum; Ti-  
midi & diffidentes medentium plerique abhorrent à Stibio quod non norunt,  
quidam illius pavent nomina, effectum reformidant; necdum antiquum  
illis præjudicium excussum est. Sua licet Hispanorum fœcior ardensque  
constitutio calidiora vetat aut nimis activa remedia; non infrequentes ac-  
tamen casus, ubi vel nimia seatens illuvie sthomasus succuti debet, vel  
turgens humor effusus, omnisque incapax coctionis fortem requirit & ci-  
tam evacuationem. Hoc sæculo quot milites Hispanos *Emeticorum* bene-  
ficio Medici servarunt in castris, quot in urbe Plebeios, quos vulgaris &  
meticulosa medendi ratio non attigisset? De victus autem ratione sic co-  
gites. Multum ibi deflexum esse à verustis alendorum febricitantium legi-  
bus tanto sæculorum spatio servatis, quæ Ptisânas unas, paratasque ex  
concoctis Cerealiibus sorbitiones agris decernebant. Nunc verò, nec ultrà  
centum annos, carniū iuseulis uti mos invaluit, vicinarum gentium  
exemplo. Quodque Hispanis maximè proprium & novum est, non ab usu  
Chocolatæ, non à Gallinacæ aut Vervecinæ carnis elixæ ac comminutæ,  
quasi hoc leve putant alimentum, comestione, nisi gravissimis paroxysmo-  
rum temporibus abstinere consueverunt. Quantò magis delinquit Medico-  
rum quorundam vulgus, dum in summo februm æstu omni potione in-  
terdicit, ne aut intendatur, aut proteletur febris. Quatenus adjecta novæ  
humiditatis copiâ, natus calor infringitur, materia febrilis augetur, ejus-  
dem coctio præpeditur, crises retardantur &c. Quorum falsa illa & dam-  
nosa traditio, quam absurda ratiocinia & aliena à Medico, qui caloris  
naturam, sanguinis fluxilitatem, necessariam salium attemperationem, cor-  
poris denique œconomiam novit! Veterum suffragio, experientia, na-  
turæ ipsi peræquè repugnat. Nec certè minus est, cum tanto rigore fe-  
bricitantibus potum negare, quàm tortoris vicem exhibere. Novæ Chy-  
micorum opes, quibus luxuriat ætas nostra, *Volatilia*, *Sudorifera*, *Digestiva*,  
*Absorbentia*, *Tinctura*, *Quinta-essentia*, *Panacea*, &c. vix horum aliqua huc  
usque pervenire, aut fidem apud Medicos potuerunt invenire, utpotè  
acriora illa, aut evecta nimis, immanes turbas in sanguine, ebullitionesque  
movere apta nata: plurima quoque multò plùs, artis ostentationi, quàm  
agrorum utilitati, inservire credita. De *Specificis* longè alia opinio percre-  
brescere jam cœpit. Unum omnium instar, corticem Peruvianum intellige,  
palmarium illud remedium, auro ipso, cui & idem natale solum est, præ-  
tiosius, quod primi omnium Hispani advexerunt, omnium ultimi com-  
mendarunt, meritisque exornarunt laudibus. Huic celerrima nec minus se-



cura vis est ad profigandas febres non intermittentes solas. Compendiosa certe & admirabilis Medicina, quæ ab omnis generis febrium tyrannide hominum millia liberavit. Non unus illius exhibendi modus, non unica virtus febris-fuga. Peritoribus, cum *Purgantibus*, *Diaporeticis*, *opiatis*, &c. admiscere, illius vires consociare notum est. Quo pacto flatulentis, dolore colico vexatis, ~~anxia~~ laborantibus, ~~varietatibus~~ plurimum prodesse usus quoque docuit. Multa alia in usum medicum venire solent remedia. Sed nulla certe pluribus morbis ipsique Gentis naturæ accommodatiora, quam Diluentia, Humeſciantia, Attemperantia, inter quæ cæteris longè præstare, omniumque efficacissimum esse Balneum, vel leviter attendenti patebit.

## I V.

**B**ALNEI nomine, corporis in aquâ, vel naturâ, vel arte, calefactâ lavatio intelligitur, cujusquidem usus antiquissimus est: non ignotus Hebræis, vel hoc ipso de formosissimâ Berhsabe, deque pudicissimâ Sulsannâ Sacrarum Litterarum testimonio. Populis Orientalibus, atque omnibus ferè Asiaticis, maxime verò Græcis, deinde Romanis olim familiarissimus. His non modò ad curandam cutem, firmandam valetudinem, sed ad morborum etiâ depulsionem magni putabatur momenti. Quocirca non privata tantùm, sed & publica ferè ubique in Latio, subjectisque Imperio Romano Provinciis, magnâ sumptuum erogatione, Balnea construebantur: quibus & Thermarum, sic ubi sponte & calidæ fluebant aquæ, nomen promiscuè impositum. Hæc religiosè, inò à multis quotidie, tanquam munera Deorum frequentabantur. Mirum quòd nunc penè exoleverit id consuètæ lavationis genus, suave quoddam, nec injucundum vitæ cibique quotidiani condimentum, planèque in medicinales usus abierit. Per Balneum quo vix jam aliter quàm remedio utimur, tepesfacta & dulcis aquæ solium intellige, ubi quotidie semel aut iterum diutius & quietè continetur ager. Quod si ab imis tantùm pedibus, vel feminibus usque ad umbilicum, itâ ut supernæ partes non madescant, semicupium nuncupari solet. Balnei dotes eximie, quas ab ipsis aquæ viribus repetas. Aqua moleculis constat teretibus plurimâ aëris portione fortis, flexibilis, glabris, undulatâ motione perenniter agitata. His se se insinuare, cujuscumque figuræ poros subire, permeare, salium quoque compagem solvere, vim eorum obtundere datum est. Is igitur tepentis aquæ primum concipitur effectus. In patentem undequaque corporis habitum illius impingunt particule, cutis aperiunt spiracula, hærentia subtrahunt à perspiratione aut sudoribus effluvia detergunt. Inde verò caloris, quem secum vehunt & à corpore mutantur, adminiculo, toris aut tenuissimi vaporis in modum, penitus subeuntes vasorum ostiola subingrediuntur: quo pacto intimos usque pervadunt corporis recessus, sanguinis & lymphæ, quibus se commiscunt, acorem mulcent, fluorem utrique impertiuntur. Quid plura! Posito, quod vero proximè accedit, ex solidorum libero elatere, fluidorumque obsequenti fluxilitate, sanitatem ac vitam majori ex parte pendere, fibrarum quædam rigiditas, qualis in pluribus morbis occurrit, Balnei humectatione tollitur. Unde *oscillationis* fibrillis motus restituitur, succi comminui, præterfluere minus indociles fiunt & ad secretionem paratiores. Nec si juvant interdum aliâ prorsus ratione juvant, quæ hic extrinsecus pluribus in morbis applicari remedia, nondum in desuetudinem abiit. Qualia sunt recens mactati Vervæcis a omenta Epigastricæ regionis, naso capiti aut plantis pedum Hyrundinum & Columborum pulli calentes,

plurima vel oleorum, vel coctarum herbarum fomenta, ipsamet usus ferè quotidiani Vesicatoria, quorum aliis particulae molles, aliis activae, tenues sunt & pororum cutaneorum apertione, si quando se insinuant, non calore internum foras attrahunt, non malignas corruptorum humorum expirationes ad ambitum evocant, quemadmodum discurrerant antiquiores, sed ex melius intellectâ corporis Mechanicâ, tensivum fibrarum tonum laxando, membranis mollitiem impertiendo, totius solidorum compagis alternos contractionum & vibrationum nifus adjuvando, tardatos succorum gressus incitare, eorum subactionem promovere utcunque possunt. Quanto majora sunt & tutiora ex Balneo petita auxilia, in his præcipuè morbis quorum non celer impetus, ubi deliberationi & mutationi remedium tempus patet, quibus ut plurimum comes obstructio lenta, crassamenti sanguinis non tam fictitia proles, Hispanis longè quàm aliis communior labes. Si dubitas, delineatos à nobis affectus, causasque reminiscere, attende ad sicciores, qui non paucis quasi natus est, habitum, ad colorem cutis Ictero proximum. Non te prætereat aëris jugiter inspirati calori juncta tenuitas, crassior alimentorum substantia, quæ omnia laudabilis in sanguine humiditatis defectum arguunt, adulta indicant humoris biliosicrementa, sæcunda totidem infarctuum in vasis, in glandulis obstructionum semina. Varias ab his causis contingere corpori obstructiones, nemo ocularus negaverit. Quæ sensum effugiunt in statu naturali glandulae complures, quæ vix microscopii ope deteguntur & molles sunt, in memoratis affectuum generibus duræ, scirrhusæ, Pisorum magnitudine conspicuæ præbentur. Morborum sint ne fœturæ, an parentes quorsum tam sollicitè querere? Cùm morbus ipse & causa morbi in curatione oppugnentur, utrique conjunctim debellando in aperientibus, laxantibus, &c. Medicina queratur. Glandulis quoque utrum sit peculiaris structura, sola ne arteriarum plicatura, aut flexura, haud multum medentis interest? Glandulae agnita secretionum instrumenta, quarum modum si non bene callueris, secretiones non ideo negaveris. His non tritura sola, non succorum tenuitas sufficit. Prævia hæc sit & tanquam ad eas necessaria dispositio; effectrix insuper causa, unicuique colatorio propria accedat oportet. Abstrusum secretionum mysterium, quod non fictitia Chymicorum fermenta, nec satis fida Anatomicorum scalpella hunc usque revelarunt.

## V.

**M**ORBIS pluribus mederi Balneum, quorundam delinire symptomata, minuire aliorum fastidia, unanimis Medicorum consensus. Aliquis requirit cautiones, nec omnibus æquè convenit. Qui diuturnitate morbi nimis exhausti, aut senio jam graviore confecti, his Balneo interdicitur. Nec minus illis quibus tenerior ætas, aut pulmonum ulcere, aliquamve aliam partem internam abscessu tentari suspicio est. Nullis non ægris si qua adest Plethora, submoveatur. Quâ ratione in morborum principio sæpius intempestivum, ferè semper nocivum est. Nihil remaneat febrilis æstus, quem nondum domita satis & castigata bilis aluerit; cujus reliquiae præpostero Balneationis usu ut plurimum reviviscunt, & novas turbas excitant. Alvinæ regionis tollatur omnis impuritas. Ritè demum disponatur corpus, nec quidquam ex cautionibus & apparatu necessariò deficiat. Vesicæ & renum conducere affectibus, mitigare dolores, nulli non expertum est nationi. In hæctica febre, in omni viscerum ardore, aut si in avis calida intemperie, primas tenet, nec minus securè quàm feliciter

adhibetur. Quo titulo id remedium, proprio jure, sibi vindicare potest Hispanica gens, tot siccitatis causis obnoxia, quam undique marasmi & hæcticæ affectionis pericula circumstant. At enim quæ aliâ communior marasmi species in istis regionibus occurrit, quam illa Venereæ luis comes assidua, Balneum tanto opere reformidans, à quo longè plura damna quam commoda derivari consueverunt? Nec enim spirituum sola exolutio, majorque proinde virium debilitas sequitur, sed veluti delibutis ab aquâ repente & in actum promotis contagii seminibus, ante non visâ symptomata profertur: crescit & novas ipsa ægritudo vires acquirit. Hoc est quod respondent. Sed merum credas gentis ignaræ præjudicium, aut absurdum quorundam Medicorum ratiocinium. Si cum gravioribus signis ex Balnei usu Venerea mala patefunt, idcirco non Balnei vitio statim verti debet, & culpandus illius effectus? Quodnam aliud Medici intentum est, quam formitem luis causam evolvere, diluere, apertiorém facere, quo paratior sit ad excretionem, nec, si Balneum remedium, saltem cautionis admodum necessariæ loco habueris, seu palliativam, seu radicalem morbi curationem aggredieris. Utrique auxiliâtes præstabit vires, in hæc hydrargyri, quod unicum novimus syphiliti remedium, victores reddit effectus, in illâ longè securiores procurabit inducias. Quæcumque ab aliâ causâ Tabes, marasmus, squalorve affecerint, his summo quoque futurum est adjumento. Blandis aquæ perfusionibus inusta partibus solidis ariditatis nota emendabitur, succos alimentitios deprædans calor acer demulcebitur. Non aliud feras de descripto dolore colico judicium, ubi illius causam cognoveris. Hæc ventriculi fundo, tenuibus intestinis ipsique mesenterio adhæret. Disseminatæ in his partibus glandulæ, intertexti numerosâ propagine nervorum furculi salinâ quâdam substantiâ opplentur, cujus in aëre, veridus in vinis, & alimentis querenda origo est. Eò continuo allabentes succi, Bilis, succus Pancreaticus, Chylus ipse vitium insigne contrahunt. Has si promptæ ægritudinis causas blandorum purgantium, & diluentium usu reposito non sustuleris, si præscriptus posthæc corticis Peruviani, *Martialis*, *Nervinis* aut *Opiatis* admixtus pulvis parum profecerit, præstò erit Balneum. Nec minus tertianis & statulentis affectibus, si quando contumaciores, ab iisdem, aut parvo saltem discrimine, causis foventur. Id Balneo consequeris, quod molliores fiant glandulæ, diluantur sales, fluat & obsequatur humor.

*Ergò pluribus Hispanorum Morbis remedium efficax Balneum.*

#### DOMINI DOCTORES DISPUTATURI.

*M. Ludovicus - Jacobus Pivercan. M. Gabriel-Antonijs Jacques. M. Petrus Azevedo.*

*M. Petrus Maloet, Consiliarius & Medicus Regis Ordinaris, nec non Domus Regiæ Invalidorum Ducum & Militum, Academia Scientiarum Regiæ Socius. M. Gladius de la Vigne de Frecheville, Medicus Regis & Domus Regiæ Ordinarius. M. Joannes Hermens, Medicus Regis Ordinarius.*

*M. Guillelmus de Magny. M. Joannes-Damianus Chevalier, Regis Consiliarius Ordinarius in Insula Sancti Dominici. M. Jacobus Fournneau.*

Proponebat Parisiis, MICHAEL-JOSEP. MAJAVULT, Duacenus, Baccalaureus Medicus, A. R. S. H. 1738. à 6<sup>h</sup> ad meridiem.